

塔子溝紀略卷八

哈達清格素齋者

廢城

口外自金遼元世俱建有城社迄今數百餘年荒蕪無存荊棘滿目
尙有存其舊址者訪探而紀之使前代遺跡不致湮沒不傳庶亦考
古之一端耳

四家板上城基

三座塔東北六十七里有四家板上營子蒙古稱房子爲板子以前
有四家蒙古置房於此遂呼爲四家板上營子西面有城基一處東
西長一百五丈南北長一百六十丈圍圓不及三里城內有石幢兩
截字跡不全一載天輔皇帝陀羅尼幢及川州刺史字樣一載開泰
二年歲次癸丑仲秋月記因知是幢一爲遼聖宗時所記一爲金太
祖時製也而城名則迄無可考

藍旗營子城基

自哈拉桃花圖東北行五十里藍旗營子距三座塔九里有城基
一處東西南北各長一百二十五丈圍圓計三里有四門基址名則
無可考焉

包古老營子城基

自藍旗營子東北行五十八里有蒙古包古老者住居於此遂名爲
包古老營子距三座塔一百四十八里其地有城基一處東西南北
各長一百一十八丈圍圓不及三里其城之名則無可考焉

小城子

自包古老營子東北行十五里有城基一處東西南北各長一百七
十四丈圍圓不及四里亦有四面門基其名亦無可考

黑城子

自小城子東北行五里距三座塔一百六十八里有土城一座城高

六丈東西南北各長三百六十丈方圓計地八里城牆雖多殘缺而規模宏敞亦屬形勝之區瓦礫成堆牆垣盡廢遙望一片黑影因共呼爲黑城子至今蒙古民人皆居城外其城內則已開闢耕種矣城北八里於喇嘛達拉甲格楞家見一石碑立於門內首載川州重修東嶽廟記其碑陰字多模糊尙有至正歲次乙酉仲夏并川州達魯帖木耳及建平典史字跡蓋是碑爲元順帝時所製而黑城子即契丹興中府所屬之川州城也

二十里鋪土城

塔子溝西北二十里有土城舊址東西寬一百六十丈南北長一百五十丈計三里有餘城垣坍塌不整東西尙有城門遺跡城西半里有塔一座其年月皆無可考

牛膝河屯土城

塔子溝東北一百八十里至敖漢牛膝河屯有城基一處南北長一

百八十丈東西寬一百六十丈週圍土牆參差不齊尙有四門基址其名則不可考

塔上城基

塔子溝東北三百八十里至塔上蒙古名爲波羅素不拉嘎塔爲素不拉嘎泉爲波羅因山坡有古塔一座下有水泉遂取名波羅素不拉嘎康熙年間敖漢王子建造廟宇一座聖祖仁皇帝賜名永壽寺西有城基一處四面各長一百九十丈並無人烟

敖漢王五十家子土城

塔子溝北去三百八十里至黃花圖五十家子有土城一座南北長八十丈東西寬七十五丈城中有八角塔一座高十餘丈上係銅頂懸有銅鏡七面牆垣鈴角俱各完固塔下有枯井一圍自塔北門而入井中黑暗約深四五丈城內並無房屋人烟建塔年月亦無可考

塔子溝紀略卷八

塔子溝紀略卷九

哈達清格素齋著

土產 氣候附

天地產物無土不生。無地不有。雖口外地盡山陬而所產則同。如山之禽獸谷之花果河之水族畦之蔬菜風景無殊內地。唯節氣寒多暖少。生遲萎早耳。彙而載之亦以廣耳目充識見云爾。

野禽

鵬

鷓鴣

沙雞

野雞

班鳩

寒雀

鵲

喜鵲

窩鵲

拖尾蓮

黃鸝

烏鴉

虎不拉

啄木

水咋子

野獸

虎

狼

鹿

麋

麋

獐

獾

狐

兔

山樹

柏樹

松樹

楊樹

柳樹

榆樹

棠樹

桤樹

畫樹

桑樹

段樹

苦梨樹

杏樹

桃樹

山梨樹

老瓜眼

山花

山芍藥

俱單瓣

石竹

金針花

刺梅

丁香

閃丹花

翠雀花

土蜀葵

山果

山梨

山杏

山葡萄

郁李

桑椹

山櫻桃

山菜

榛蘑

木耳

苦梨芽

蕨菜

薺菜

河魚

鯽魚

鯉魚

蟲魚

鮎魚

滑子魚

腳魚

家花

雞冠花

鳳仙花

江西臘

串枝蓮

六月菊

萬壽菊

菊花

玉簪花

蜀季花 有黑色者

嬰粟花

老少年

家果

剛子桃

杏

五穀

穀子

高粱

黑豆

黃豆

綠豆

糜子

黍子

蘇子

玉粟

蕎麥

小豆

雲豆

蕪麻

線麻

烟

家蔬

白菜

菠菜

葱

蒜

韭菜

蘿蔔

藤蒿

南瓜

西瓜

香瓜

茄子

葫蘆

王瓜

瓠子

東瓜

菠蘿樹

塔屬各旗境內高山之中多產菠蘿其葉大如掌可飼山蠶餘無他用先是山東種地人自伊本省攜帶蠶種出口試養以後人爭效之至今放蠶者衆繭成之後撚線織紬名曰山紬與內地繭紬無異豐年繭多絲賤每疋市價不過二兩四五錢可爲袍服二歉歲繭少絲貴每疋市價二兩七八錢有差東民常欲佔蒙古山場自專其放蠶之利以致構訟無已後經地方官定以收繭之時令民人將所得十分之一給與山主爲租價近始相安無訟焉

氣候

邊地風高寒多暑少立夏以後猶有凍冰之日白露以前即係霜降之時月當仲夏而遇烈日便可脫裘易葛節屆初秋而值陰雨必須

去葛易裘諺云皮襖直接單紗信非妄語此當年之事近來較之京師冷熱不甚懸殊雨雪亦無偏勝夏葛冬裘春單秋絮四時不爽唯九月內草木較內地先萎耳

塔子溝紀略卷九

塔子溝紀略卷十

哈達清格素齋著

蠶事

器用附

蠶之產絲之廣唯浙杭爲最飼以桑葉比戶皆然小民之完糧納課身衣口食咸賴焉他處所產山紬山東有之今口外氣寒又無桑可飼蠶從何生絲從何得而塔屬地方生篋籬葉民人藉以飼蠶織山紬而貿易之其飼育之法則有訣焉故細錄之以見天工養人之意抑以知人巧可奪天工物力之艱難不僅稼穡已也

收種

春夏養法

春蠶用秋繭作種秋間分繭時擇種貯以簞箔攤置屋內或墊起或掛起只一舉手高不使風燥

溫種

冬節數九至九九時將繭種穿成大串穿時勿傷蛹子用杆掛煖屋

中常置火屋內令繭就溫至清明節前後則陸續蛾出切防雀鼠蟻蟲

拾蛾

每日申酉戌三時出蛾出畢將蛾拾置有蓋筐內雄蛾小而尾尖雌蛾大而腹壯雌雄分置一筐掛屋內勿爲烟氣所及以致雌雄不交

配蛾

每晚將蛾雌雄各半納之筐中自能配合筐蓋不可輕揭恐驚蛾拆散也次早開筐視之如有不配者將雌雄合并以津唾唾之即復交矣

摘對

配蛾之次日申刻將雄蛾摘去用兩指輕捻雌蛾腹出溺謂之把蛾俟溺盡仍置於筐內懸於屋中聽其出子筐內須用紙糊以免蛾子滲漏筐須時時轉動恐蛾俱集向明一面以致下子不勻筐內子滿

暫掛清涼屋內其樹芽未能生發恐在暖處出蠶太早

煖子

過穀雨後菠蘿葉漸次發芽將子筐移入煖室中六七日出蠶如蟻名曰蠶蟻

出蠶

每日寅卯辰三時出蠶其筐下先須鋪蓆蠶落蓆上用鷄翎掃入盆內然後送至芽枝上

斫芽

春蠶出時菠蘿尚未出葉其向陽處先出嫩芽連枝斫取約高三尺餘送蠶其上

插墩

活水河邊擇無土沙灘灘下有水灘上不見水處掘溝寬二寸許深亦如之將芽枝密插溝內旋插旋掩勿使露水枝宜深插淺提使其

易活蓋芽枝忌土故用沙灘蠶蟻畏水故須掩蓋

坐墩

每晨日出復將蠶蟻盆去蓋納入墩中盆下用石墊起枝外用繩虛束使盆與枝頭相近用鷄翎撥蠶蟻於芽枝上

立幃

灘內沙中掘溝寬尺餘見水長流隨意密插芽枝以備移蠶

上幃

蠶出四五日則一眠至四五日方起蛻黑衣蠶即回頭自食其衣蠶方肥大須於未眠之先將墩上枝頭之蠶帶葉剪取移置幃上此幃葉盡再移彼幃上山爲止

進場

山中長菠蘿處即爲蠶場立夏後樹葉長成不拘二三眠起後將幃上之蠶連葉剪取移置樹中每樹置蠶之多寡以樹之大小爲準樹

以三尺餘爲高次不過一二尺許恐過高則難剪取矣

守場

一切鳥獸蟲蟻俱能傷蠶故蠶工巡視守護必立茅棚住宿飲食坐臥于其中時刻弗離

移蠶

春蠶四眠一眠一起一起一移移動葉欲嫩蠶小連葉剪取大蠶竟可手摘頭首俱腫不食曰眠脫衣曰起如有葉多蠶少蠶多葉少之處均之使勻秋蠶如之

摘繭

蠶出六十餘日成繭在樹葉摘下仍去葉其繫於葉處謂之蒂去之恐傷繭絲包於繭外謂之衫留之纖紬始有花紋故蒂衫俱不可傷損

收繭

秋季養法

春蠶既成即擇秋種用箔薄攤懸掛清涼屋內勿使傷熱蓋春寒故種宜暖秋熱故種宜涼

選種

繭有雌雄雄繭小而尖雌繭大而平雖宜多備亦勿過偏務擇其響而重者若油繭烘繭則內蛹不活其繭出黑水有臭氣者尤不堪爲種

穿種

小暑後用針引細滑麻線從繭種小頭一如春種穿成大串掛于風涼屋內或涼棚棚下高不過舉手下不使及地宜透風不宜見日拾蛾配蛾與春蠶同惟秋蛾宜懸屋外勿使日曬并勿輕動驚蛾

拴蛾

先於簾籬中揀枝葉稠密下無蟲蟻之樹將根下柴草芟盡申刻將雌蛾把溺用五寸許細麻拴其大翅根下一繩可拴二蛾騎中纏搭